

PELANCARAN COFFEE TABLE BOOK CAWANG TADBIR, PASKAU BERET BIRU DAN MPSTU

airforce.mil.my/berita/acara-rasmi/2905-pelancaran-coffee-table-book-admin-beret-biru-dan-mpstu







BANTING, 18 Jan 18 - Panglima Tentera Udara, YBhg Jen Tan Sri Dato' Sri Hj Affendi bin Buang TUDM telah menyempurnakan Majlis Pelancaran Coffee Table Book Cawang Tadbir, Coffee Table Book PASKAU Beret Biru dan Coffee Table Book Markas Pasukan Simpanan Tentera Udara (MPSTU) bertempat di Wisma Ahli Udara, Rejimen TUDM Jugra hari ini.

Di dalam majlis tersebut, YBhg Panglima Tentera Udara turut menerima Coffee Table Book Cawang Tadbir yang telah disampaikan oleh Asisten Ketua Staf Tadbir, YBhg Kol Ahmad bin Abd Rahman TUDM, Coffee Table Book PASKAU Beret Biru yang disampaikan oleh Pegawai Memerintah Rejimen TUDM, YBhg Brig Jen Dato' Hj Mohamed Nazri bin Dashah TUDM serta Coffee Table Book MPSTU yang disampaikan oleh Pengarah PSTU, YBhg Kol Muhammad Shafiq bin Jahudi TUDM.

Majlis ini juga turut menjemput mantan-mantan serta pegawai dan anggota yang telah memacu ketiga-tiga komponen. Kehadiran tetamu jemputan ini merupakan suatu penghargaan di atas khidmat bakti yang dicurahkan. Para jemputan diraikan dengan pemberian Coffee Table Book mengikut komponen masing-masing yang telah disampaikan oleh YBhg Panglima Tentera Udara. Dengan pelancaran Coffee Table Book ketiga-tiga komponen ini, ianya memberikan kesan yang signifikan buat Cawang Tadbir, PASKAU dan MPSTU.

Di dalam majlis yang sama juga, para hadirin turut dipertontonkan persembahan yang memukau daripada Pasukan Drumline TUDM dengan mengenakan pakaian seragam baru yang akan digunakan semasa persembahan dikhalayak ramai.